



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1691. usque ad annum 1701

**Fleury, Claude**

**August. Vind. [u.a.], 1781**

**VD18 13322648**

§. 124. Leodiensis Ecclesiæ Decanus violenter captus.

---

[urn:nbn:de:hbz:466:1-67627](https://nbn-resolving.org/urn:nbn:de:hbz:466:1-67627)

Sæc. XVII.  
A. C. 1701.

## §. CXXIV.

*Leodiensis Ecclesie Decanus violenter captus.*

Hispanicam Monarchiam aucupandi  
libido non modo inter Competito-  
res Regios funestum bellum, sed e-  
tiam inter privatos dissidia, & capita-  
les inimicitias progerminare cæperat:  
Pro suo quisque affectu, aut commodi-  
ratione sese alterutri parti dicabat,  
quosque sibi non consentientes censuit,  
pro hoste habebat: Quamprimum autem  
Leopoldus Cæsar cum copiis suis in Ita-  
liam penetraverat, non pauci quid va-  
lidum, quid infirmum, unde quicquam  
præsidii commodique sperari, Cæsari-  
que detrahi, posset, animo circumspi-  
ciebant: Præprimis Maximilianus Ema-  
nuel, Bavarie Elector, qui ad Cæsaris  
preces nuper Hispanici Belgii Guber-  
nator designabatur, ad Gallorum par-  
tes transivit: Patru sui exemplum  
mox sequebatur Josephus Clemens Co-  
loniense Elector, simulque Leodiensis  
Episcopus, qui Bavaro auro copias  
conscripsit, & Colonienses arces, nec-  
non Leodiensem civitatem Gallicis præ-  
sidiis munivit: inde vero natæ sunt in-  
gentes animorum aversiones inter hunc  
Electorem, & Coloniense & Leodiense

*Hist. Cont.*  
*Chron. l. 14.*  
*pag. 564.*  
*Briet. An-*  
*nal. cont.*  
*Clem. epist.*  
*pag. 94.*

Sæc. XVII. Ecclesiæ Capitula; hæc enim Archi-  
A. C. 1701. episcopo objectabant, quod pactorum  
 in sui electione initorum fidem violaf-  
 set, vicissim Archiepiscopus Canonicos  
 velut seditiosos ac rebelles convitiaba-  
 tur, quam tamen calumniam Canonici  
 die prima Octobris edito diplomate a  
 se amoliebantur, Cæsarisque & Rhe-  
 nani Circuli patrocinium implorabant:  
 Attamen Coloniensis Elector Gallorum  
 potentia tutus, in Canonicos præci-  
 pue Leodienses vindictam parabat, ac  
 Maurevallio Marchioni Gallo, necnon  
 Comiti a Berlo Belgæ negotium dedit,  
 ut belli tormenta per urbem dispone-  
 rent, & plateas, vicosque præcipuos  
 obsiderent: quo facto Baronem a Mean  
 Cathedralis Ecclesiæ Decanum, cun-  
 ctosque Canonicos, quos sibi vel ad-  
 versos vel suspectos habebat, in carce-  
 rem rapi iussit: inde territi ceteri Ca-  
 nonici aut fuga elapsi sunt, aut in la-  
 tebris delituere. Postridie Decanus  
 Regis Gallici jussu in sede curruli extra  
 urbem deductus est, quamprimum vero  
 extra muros pervenerat, mox equo  
 manus pedesque ligatus imponitur, &  
 capite nudus inter satellitum agmina  
 Namurcum abstrahitur: interea vero  
 milites Galli ædes Canonicorum, qui  
 fuga elapsi erant, insedere, cunctaque  
 in eis reperta militari licentia dissipab-  
 ant:

bant: Enimvero Elector, ut Galliarum Sæc. XVII.  
 Regi gratificaretur, hanc violentiam A. C. 1701.  
 prætexta publicæ securitatis necessitate  
 excusabat, mox tamen Electoris no-  
 mine publicatum erat, omnia se in-  
 consulto atque incio ex Ludovici Galli  
 Regis mandato facta fuisse, e contra-  
 rio Galli cuncta ad expressam Clemen-  
 tis Electoris petitionem acta divulga-  
 bant: Hæc tamen excusatio apud Cle-  
 mentem summum Pontificem adeo ni-  
 hil valebat, ut die trigesima prima De-  
 cembris acerbis hæc literas ad Ele-  
 ctorem daret:

„Ipsa magnitudo facinoris, quod  
 „nuper non sine ingenti fidelium scan-  
 „dalo, non sine gravi Ecclesiasticæ ju-  
 „risdictionis injuria, in Civitate Leo-  
 „diensi admissum est, nedum testimo-  
 „nium illud, quo Nobilitas tua literis  
 „quarta labentis Decembris datis ad  
 „nos detulit, certo nobis persuadet,  
 „Te prorsus inconsulto, atque incio  
 „contigisse, quod dilectus Filius De-  
 „canus Cathedralis illius Ecclesiæ, præ-  
 „sidiariis militibus non ita pridem in  
 „eandem civitatem in vectis fuerit a  
 „loco immuni abductus, alioque tur-  
 „piter & contumeliose traductus, quod-  
 „que alii item Ecclesiastici Viri pariter  
 „detenti, atque traducti, arctæque de-  
 „mum custodiæ fuerint demandati.

X x 4

„Quid

Sæc. XVII. „Quid enim tam dissentiret a consueta,  
 A. C. 1701. „atque haulta a Majoribus animi tui  
 „pietate, atque etiam ab Ecclesiastica  
 „dignitate, per quam eidem Civitati  
 „præficeris, quam si humanis forte ra-  
 „tionibus nimium tribuens, loca sacra,  
 „ac Personas Divino cultui dicatas pu-  
 „blice contemni patereris. Verum ne  
 „in re tanti momenti, ubi remissius  
 „ageres, id ipsum suspicandi, aliter-  
 „que, quam par est, de Te opinandi iis  
 „occasionem præbeas, quorum censu-  
 „ram ipsa Principum nomina non eva-  
 „dunt, imo potius, ut rem Deo gra-  
 „tam in custodienda, pro muneris tui  
 „ratione, Ecclesiastica libertate exhi-  
 „beas, te ad ea diligenter curanda, ac  
 „celeriter perficienda enixe hortamur,  
 „per quæ læsa palam Ecclesiæ immu-  
 „nitas sarcatur, ut sollicitudo nostra  
 „quam ingentes undique curæ prægra-  
 „vant, hac saltem in parte levetur, &  
 „præclarum de religione animi tui ju-  
 „dicium apud Nos semper magis in-  
 „valescat &c. „

Eadem die Pontifex ad Cathedralis  
 Ecclesiæ Capitulum hæc perscripsit:  
 „Intimi doloris sensum, quem Paterno  
 „nostro cordi literæ vestræ attulerunt,  
 „ob violentam dilecti Filii Decani istius  
 „Ecclesiæ per militum manus detentio-  
 „nem, atque abductionem, vix possu-  
 „mus

„mus explicare, probe intelligentes, Sæc. XVII.  
 „quanto fidelium scandalo, quantoque A. C. 1701.  
 „Ecclesiæ contemptu, inspecta loci &  
 „Personæ immunitate, ista contigerint,  
 „nullatenus itaque Vobis ambigendum  
 „est, quin Nos officii nostri memores  
 „sedulo curaturi simus, ut debita re-  
 „paratione jura Ecclesiæ tam enormi-  
 „ter læsa sarciantur. Interim vero con-  
 „fidimus Vos, & Christiana pietate  
 „excitados, & hac etiam calamitate,  
 „ceterisque impendentibus malis ad-  
 „monitos, non tam de comparanda re-  
 „bus vestris Pontificiæ auctoritatis ope,  
 „quam de propitiando Vobis ipsis Deo  
 „Optimo Maximo fore omnino sollici-  
 „tos, & serio perpensuros esse, nun-  
 „quam aptius Cælestem miserationem,  
 „quam Fraternalis charitatis usu conci-  
 „liari: cum econtra nil tam Divinam  
 „ultionem provocare possit, quam si is,  
 „qui mitem in se Dominum esse velit,  
 „durior in proximum suum invehere  
 „pergat, quod Evangelici servi exem-  
 „plo compertum Vobis esse potest &c.

## §. CXXV.

*Religionis Catholicæ incrementa, &  
 Pontificis studium in iis pro-  
 movendis.*

X x 5

Eodem